

Кемелерді лоцмандық алыш өтуді жүзеге асыру ережесін бекіту туралы

Күшін жойған

Қазақстан Республикасы Үкіметінің 2005 жылғы 14 мамырдағы № 457 Қаулысы. Күші жойылды - Қазақстан Республикасы Үкіметінің 2015 жылғы 10 тамыздағы № 624 қаулысымен

Ескерту. Күші жойылды - ҚР Үкіметінің 10.08.2015 № 624 қаулысымен (алғашқы ресми жарияланған күнінен бастап қолданысқа енгізіледі).

Р Қ А О - ның ескертпесі.

ҚР мемлекеттік басқару деңгейлері арасындағы өкілеттіктердің аражігін ажырату мәселелері бойынша 2014 жылғы 29 қыркүйектегі № 239-V ҚРЗ Заңына сәйкес ҚР Инвестициялар және даму министрінің 2015 жылғы 30 қаңтардағы № 69 бұйрығын қараңыз.

"Ішкі су көлігі туралы" Қазақстан Республикасының 2004 жылғы 6 шілдедегі Заңына сәйкес Қазақстан Республикасының Үкіметі **ҚАУЛЫ ЕТЕДІ**:

1. Қоса беріліп отырған Кемелерді лоцмандық алыш өтуді жүзеге асыру ережесі бекітілсін.
2. Осы қаулы алғаш рет ресми жарияланған күнінен бастап он күнтізбелік күн еткен соң қолданысқа енгізіледі.

Қазақстан Республикасының

Премьер-Министрі

Қазақстан

Республикасы

Үкіметінің

2005

жылғы

14

мамырдағы

N

457

қаулысымен

бекітілген

Кемелерді лоцмандық алыш өтуді жүзеге асыру ережесі

1. Кемелерді лоцмандық алыш өтуді жүзеге асыру ережесі (бұдан әрі - Ереже) "Ішкі су көлігі туралы" Қазақстан Республикасының Заңы 8-бабының 8) тармақшасына сәйкес әзірленді.

2. Осы Ереже ішкі су жолдары бойынша кеме қатынасы қауіпсіздігін қамтамасыз ету және кемелер ұшырайтын көлік оқиғаларын болдырмау мақсатында кемелерді лоцмандық алыш өтуді жүзеге асыру тәртібін регламенттейді.

3. Лоцмандар арасында орындалатын жұмыстың ара жігін ажыратуды лоцмандардың даярлық дәрежесіне, алып өтетін кемелердің түрі мен мөлшеріне және лоцмандық алып өту ауданының жағдайын көрсететін басқа да факторларға байланысты лоцмандық қызмет белгілейді.

4. Лоцмандар лоцмандық алып өтуді көздейтін кеме қатынасы су жолдары участеклерінің жай-күйін бақылайды және осы участеклердің терендігін өлшеуді жүргізеді.

5. Лоцмандар апatty жағдайлар бойынша (судың тартылуы, тұман) оларды қауіпсіз алып өту қамтамасыз етілмейтін жағдайлардан басқа тәуліктің кез келген уақытында кемені алып өтеді.

6. Кемелерді алып өту кезінде лоцмандар навигациялық қоршаулардың жай-күйі мен дұрыстығын бақылайды және барлық ақаулар мен кемшіліктер туралы уәкілетті органның аумақтық бөлімшесіне (бұдан әрі - аумақтық бөлімше) дереу хабарлайды. Олар алып өтетін кемелердегі немесе жолда кездесетін басқа кемелердегі барлық авариялық жағдайлар туралы да хабарлайды.

7. Лоцмандар кеменің жұзу ережелері мен ішкі су жолдарының кемелерден аққан сарқынды және құрамында мұнайы бар сулармен ластануының алдын-алу ережелерін алып өтетін кемелердің сақтауын бақылайды.

8. Лоцмандар кемелердің жұзу ережесін және ішкі су көлігі саласында қолданылып жүрген өзге де ережелерді сақтаудың анықталған бұзушылықтары туралы алып өтетін кемелердің капитандарын хабардар етеді және анықталған бұзушылықтарды жоюды ұсынады, ал капитан көрсетілген бұзушылықтарды жоймаған жағдайда бұл туралы дереу тиісті аумақтық бөлімшеге хабарлайды.

9. Лоцмандық алып өту ауданында кемеде авария немесе адамдармен, жазатайым оқиға болған жағдайда лоцмандар көмек көрсету жөніндегі барлық мүмкін болатын шараларды қабылдайды.

10. Лоцмандық алып өтуді жүргізу қажеттілігі кезінде кеме капитаны лоцмандық қызметке лоцманға арналған өтінімді береді, лоцман кемеге өтінімде көрсетілген уақытта келеді. Лоцманның көрсетілген мерзімде келуі мүмкін болмаған жағдайда, лоцмандық қызмет кеме капитанына лоцманның келу уақыты мен орны туралы хабарлайды.

11. Егер кеме лоцманды қабылдайтын жерге капитан өтінімде көрсеткен уақытта келмесе, мұндай жағдайларда кешіккен кеме лоцмандық алып өтумен кезек тәртібінде қамтамасыз етіледі.

12. Капитан лоцманды кеме бортына тез және қауіпсіз қабылдауды қамтамасыз етеді және бұл ретте лоцмандық боттың (кеменің) зақымдалуына жол бермейді. Лоцманды қабылдау және түсіру кезінде кеме капитаны лоцман

ботымен байланыс ұстаяға және онымен өз әрекетін келісуге тиіс. Лоцманның келу сәтінен бастап және оның кетуіне дейін кемеде - "Менің бортымда лоцман бар" деген жалау белгісі көтеріледі.

13. Лоцманды лоцмандық боттан келе жатқан кемеге түсіру мүмкін болмайтын қолайсыз ая айрында осы кеменің капитанымен келісім бойынша лоцман алып өтуді лоцманды кеме бортына мүмкін болатын жерге дейін бастап журу әдісімен жүзеге асыруы мүмкін. Кеме мен лоцман боты арасында сенімді байланыс қамтамасыз етілуі тиіс.

14. Лоцман кемені лоцмандық алдың өтуді жүзеге асыру кезінде кеме капитаны лоцманға кеменің шөгүі, ұзындығы, ені мен сыйымдылығы туралы дәл деректер береді.

Лоцман кеме капитанынан кемені лоцмандық алдың өтуді жүзеге асыру үшін лоцманға қажетті кеме туралы өзге деректерді де (маневрлік сипаттамалар және басқалар) талап етуі мүмкін.

15. Кеме капитаны лоцманның талабы бойынша оның қызметтік жұмысы мәселелері жөнінде байланысуы үшін кеме радиостанциясын оған пайдалануға береді.

16. Лоцмандық алдың өту қауіпсіздігінде көрініс табатын жағдайлар (көрінудің нашарлауы, тұман, кеме жолы терендігінің азаюы) туындаған кезде кеме капитаны лоцманның талабы бойынша лоцман көрсеткен тәртіппен кеме электр радионавигациялық жабдығының құралдарын (эхолот, радиолокатор, радиопеленгатор) пайдаланады. Алдың өту ауданында жағалаулық радиолокациялық станция болған кезде лоцман бұл жағдайларда аталған станцияның қызметін пайдалануы мүмкін.

17. Жұзу қауіпсіздігі мақсатында кеме капитаны лоцманның ұсынымдарын басшылыққа алады. Рульді басқарушыға барлық бұйрықтарды капитаның өзі береді. Егер де маневрді орындауды жеделдету мақсатында капитан лоцманның өзіне бұйрық беруге рұқсат етсе, онда бұл жағдайда да олар капитан бұйрығы бойынша орындалған болып саналады, ол үшін капитан жауапты болады.

18. Егер капитан кемеге лоцманды қабылдап, оның ұсынымдарын ескермесе, соңғысының үшінші тұлғаның қатысуымен кемені алдың өтуді жалғастырудан бастартуы мүмкін, бұл туралы кеме журналында жазылуы тиіс. Бұдан басқа, лоцман болған оқиға туралы лоцмандық қызметке дереу хабарлайды. Алайда, алдың өтуден бастартқаннан кейін де лоцман мінбеде қалады және де, егер капитанға қауіпсіз жұзу үшін мәліметтер қажет болса, ол олар туралы хабарлайды.

19. Лоцман ұсынымының дұрыстығына күмән болған жағдайда кеме капитаны оның қызметінен бастартуы мүмкін. Бұл ретте мүмкін болатын міндетті лоцмандық алдың өту ауданында кеме басқа лоцманның келуін күтүгеге тоқтатылуы тиіс.

20. Лоцман капитанның келісімінсіз кеме қауіпсіз жерде зәкірге отырғызылғанға немесе лоцман басқа лоцманмен ауыстырылғанға дейін кемені тастай алмайды.

21. Кеме капитаны міндетті емес лоцмандық алып өту аудандарында, қажет жағдайда, шығыстарды кеме иесінің есебіне жатқыза отырып, лоцманды кемеге алуы мүмкін.

22. Лоцман және ол қызметкері болып табылатын ұйым Қазақстан Республикасының заңнамалық кесімдеріне сәйкес жауапты болады.

23. Тиісінше лоцмандық алып өтпеуге кінәлі лоцманды аумақтық бөлімшениң, ол қызметкері болып табылатын ұйымның және лоцмандық қызметтің басшыларынан құрылатын біліктілік комиссиясы мамандығынан айыруы мүмкін.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК